



Panduan Doa Selepas Perhimpunan Doa Methodist Ketiga (“MPC”) 1-16 September, 2014

01.09.14 (Isnin)

Puji Tuhan atas segala yang TUHAN telah lakukan! Mari kita terus katakan "Ya" kepada TUHAN. Doakan supaya semua akan pulang dengan selamat terutama hamba-hamba Tuhan dari luar negara. Doakan perlindungan Tuhan untuk semua.

02.09.14 (Selasa)

Ucapkan syukur kepada Tuhan atas pekerjaanNya yang luarbiasa melalui MPC. Doakan supaya umat Tuhan akan mengalami pekerjaan Roh Kudus dengan lebih dalam lagi. Doakan supaya umat Tuhan tidak lalai and bersikap tidak percaya atau sangsi. Doakan perlindungan daripada muslihat-muslihat Iblis.

03.09.14 (Rabu)

Ucapkan syukur atas segala pertolongan, pembekalan, perlindungan yang Tuhan telah berikan, terutama sekali semua yang hadir di MPC telah dijamah oleh Tuhan secara peribadi! Doakan supaya apa yang telah dipelajari & dialami melalui MPC akan disampaikan kepada keluarga, rakan-rakan & gereja masing-masing.

04.09.14 (Khamis)

Puji Tuhan atas panggilan & rencanaNya yang mulia untuk Gereja Methodist di Malaysia pada saat seperti ini!

Puji Tuhan atas pengalaman yang sangat indah apabila umat Tuhan dari pelbagai bangsa, bahasa dan budaya bersatu hati, menyembah dan mencari wajahNya.

05.09.14 (Jumaat)

Puji Tuhan atas KasihNya kepada setiap kita serta KasihNya akan GerejaNya - Pengantin Kristus! Doakan supaya gereja Tuhan semakin mengasihi Tuhan dengan sungguh-sungguh dan haus mencari Dia, agar kita menjadi umat dan gereja yang berkenan dihati Tuhan!

06.09.14 (Sabtu)

Puji Tuhan kerana Dia ingin sekali menyampaikan isi hatiNya kepada PengantinNya dan Dia ingin mengalahkan musuh-musuhNya melalui GerejaNya (Matius 16: 18-19, Efesus 3:10)

Doakan supaya kita menjadi umat yang tekun berdoa dan tidak berhenti berdoa dalam kehidupan harian.

07.09.14 (Ahad)

Puji Tuhan sekali lagi untuk Kebaktian di Stadium pada Hari Kemerdekaan, sesungguhnya syurga & bumi sujud menyembah Raja atas segala Raja!

Doakan supaya kita akan bertumbuh dalam penyembahan kita kepada Tuhan: lebih dalam, lebih tinggi, dengan cara yang baru dan terus meningkat kepada tahap yang baru mengikuti pimpinan Roh Kudus.

08.09.14 (Isnin)

Ucapkan syukur kepada Tuhan untuk MPC 2014! Mohon perlindungan & berkat Tuhan untuk semua yang telah melayani dengan cara apapun.

Mohon Tuhan untuk terus menyampaikan kehendak hatiNya kepada kita semua sebab setiap umat adalah anggota tubuh Kristus.

09.09.14 (Selasa)

Puji Tuhan kerana Dia Bapa Syurgawi yang memberi pemberian yang indah kepada anak-anakNya, malah menjawab doa kita melebihi apa yang kita minta!

Doakan Bishop, presidents, district superintendents, para gembala & penetua gereja supaya Tuhan memberi kepada mereka visi & strategi untuk memperkembangan kerajaan Tuhan.

10.09.14 (Rabu)

Puji Tuhan atas betapa kayanya **warisan** yang Tuhan telah berikan kepada Gereja Methodist. Minta Roh Kudus untuk berikan pengertian kepada kita tentang warisan rohani yang kita miliki.

Sekiranya kamu tidak pasti maksudnya **warisan Methodist** yang diperkatakan ini, silalah bertanya kepada pastor, atau selidiki dari perpustakaan gereja atau dari laman web.

11.09.14 (Khamis)

Puji Tuhan atas Kebangunan Rohani yang telah Tuhan lakukan semasa pelayanan John Wesley dan ini telah membawa perubahan besar kepada masyarakat contohnya kemabukan, penindasan terhadap kanak-kanak telah dihapuskan.

Doakan supaya Gereja Methodist menjadi alat Tuhan pada masa ini. Berdoa menentang rasuah yang berleluasa dalam masyarakat kita.

12.09.14 (Jumaat)

Puji Tuhan atas **pembaharuan** yang Tuhan telah lakukan di negara England semasa pelayanan John Wesley.

Berdoa kepada Tuhan bahawa Dia yang tidak pernah berubah - dulu, sekarang dan selamanya, supaya membawa **pembaharuan** kepada negara Malaysia melalui gerejaNya.

13.09.14 (Sabtu)

Puji Tuhan bahawa umat yang digelar Methodist, ketika berlakunya Gerakan Kebangunan Rohani Wesley, telah setia melayani orang-orang miskin, melawati mereka yang di penjara dan melaporkan hal ini apabila berkumpul dalam kelompok kecil pada tiap-tiap minggu.

Doakan gereja-gereja supaya menjalinkan perhubungan rapat dengan masyarakat dan menjadi berkat kepada komuniti kita.

14.09.14 (Ahad)

Puji Tuhan bahawa **Kekudusan** adalah lambang gerakan Methodist pada masa awal.

Marilah kita bertaubat dan memohon pengampunan dari Tuhan di mana kita telah jatuh atau jauh dari tahap kekudusanNya. Mintalah Api Roh Kudus untuk menyucikan & menyemarakkan kita sekali lagi!

15.09.14 (Isnin)

Hari ini kita nantikan menjelangnya Hari Malaysia. Marilah kita mengucap syukur kerana Tuhan telah menyatukan Sabah, Sarawak dan Semenanjung menjadi negara Malaysia. Malaysia pula terdiri dari pelbagai suku dan kaum Asal & Asli, Melayu, Cina, India dan bangsa-bangsa lain.

Puji Tuhan bahawa kita boleh menggunakan berbagai bahasa: Inggeris, Cina, Tamil & Bahasa Malaysia untuk berkomunikasi dengan ahli keluarga Methodist kita. Doakan untuk kasih & kesatuan dalam gereja dan juga negara.

16.09.14 (Selasa)

Hari inilah Hari Malaysia! Marilah kita rayakan serta mengucap syukur atas keunikan negara kita: kaya dengan sumber alam semulajadi, bebas dari malapetaka, kepelbagaian budaya - Malaysia sememangnya Asia!

Doakan Masa/Musim yang Baru bagi Gereja & Negara ini!